

Төрскндән буудя икәр орулдж

өгхин төлә

Целинн района спортин болн физкультурин комитетин ахлач, комсомолец-механизатор үр Михаил Манцов тәрә хуралгъна цаг ирәд уга бәәтл, им ик ургъциг геелт угагъар хурадж, Төрскндән буудя икәр орулдж өгхин төлә «Западный» совхозд оч комбайнер болдж көдлхәр шиидлә.

Тегәд үр М. Манцов эврәнн сән дурарн «Западный» совхозд ирхлә, энүнд «РСМ-8» комбайн гартн даалгъдж өггдв. Тракторист үр А. Шулудько, штурвальн үр А. Лиджиев, ковньглдг үр В. Войтехин ахта багъчуд Манцовин комбайна агрегатд көдлхәв.

Үр М. Манцовин агрегат тәрә хуралгън эклснәс авн өдрә кемджәгъән давулдж күцәгъад, өдр болгън 38-41 гектар тәрә хурадж, цокдж авчав. Хальмг республик Төрскн орн-нутгтан 7 сай пуд буудя

орулдж өгх даалгъвриг цалань күцәхин төлә үр Манцов эврәнн агрегатин багъчудтагъан күчн-чидлән нол уга көдлв.

Ургъциг ахр цагин эргцд онц-онцдн хаддж, цокдж авлгъна эв-аргъар күцәснә ашд ургъц геелт угагъар хурагдв. Хальмг республик 10 сай пуд буудя государствд орулдж өглгънд эдн шунлтта сәәнәр орлцад, авсн даалгъвран давулдж күцәв.

Хальмг тангъч Автономн Республикд хүврәгдснә туск СССР-н Деед Советин Президиумин Указиг Целинн района комсомольцнр болн багъчуд агъу ик байртагъар тосв. Ц. комсомольцнр болн багъчуд селәнә эдл-ахун, сургъулин болн культурин көдлмш улм цаарандн цецглхд эврәнн цогцан хәәрлл уга гүджрдж йовна.

Я. ДЖАМБИНОВ.